



官板
 中外新報
 千八百六十一年
 咸豐十一年正月

18
 193
 11



門 18
號 193
卷 11

中外新報第十二號

一千八百六十一年
十一月初一日刊

昭和十五年
五月十一日
購求

寧波

寧郡流寓之廣人，去年更多，搶奪擒詐，無惡不作。自倪九
登正法後，其氛稍靖。約至月餘，故態復作。十月間，道府各
憲飭勇嚴拿犯法之廣人十餘名，即日正法。將其住屋賭
場盡行拆毀，旋即出示曉諭，無業者不得逗遛。如有房主
窩留一體治罪，并著委員搜查各處，願歸者給以路費，不
願者遞解回籍。現今寧地肅清，居民鋪戶皆安堵如常，非
復向日之可慮矣。

今歲俄羅斯火輪船自上海至寧波時常來往以作貿易之事近聞杭州近處俱有長毛

上海

上海近處雖有長毛要皆太平無事惜內路生意甚少外國人有私與長毛通商者亦有入長毛所據之地者然皆係長毛所延入去年冬有一隊外國人新立一公會以船駛入洋子江經南京至漢口直窮至洋子江發源之處即西藏踰喜馬拉山是山乃西藏天分界之處以至天竺及返之日乃以火輪船由海上紆道而回一切路費皆由公會出此路外國人昔日未曾經行今則始得歷之予知今年必多有

外國人入中華內地因和議已成故也

廣東

廣省近亦太平商賈貿易頗盛又多避長毛之患者入而居之其城仍為英佛二國兵所據不知退于何時然皇上苟踐約不爽自當速退

又香港一處人烟稠密亦多有難民遷入以避長毛以為此地較他處為安又英兵自北京回者亦多至其地意以和議雖成皇上踐約與否尚未可知故暫寓之以觀動靜至于佛兵則多至安南因昔年構戰之事尚未了局今將以大兵滅其全國近聞佛人已與安南人戰安南人敗績

死者六百人佛人僅傷六名

北京

去年秋英佛二國攻入天津至通州後京城告急皇上避
 至熱河遠明園是園離京城約三四里乃皇上帝宮也御用寶物盡行搶散
 後迫京城京城大啟遂為英佛兵所據先是在通州時有
 英人樹白旗者二三十人曾為滿兵所獲至是生還者約
 大半其餘盡歸死屍英人怒焚遠明園將死屍葬于俄羅
 斯墓地葬時以六馬牽一車一車載一屍二國兵送葬者
 數千後恭親王弟皇弟出行和議議成二國兵遂退至天津亦
 有退至上海香港等處今在天津者止有三千內有數百

人屯大沽江口砲臺

江口砲臺共有五座其四座已為外國兵所毀

待兵費八百

萬賠償完結始退還天津八百萬外又有三十三萬償樹

白旗者已死之命然天津日後雖還亦准外國人立埠通

商予思此約如果永遠不爽中外貼然勿啟兵端寔為國

家之幸

又樹白旗者二三十人中有一人名巴葛斯前曾為廣東

領事滿兵拿去後因于京城客舍中見有桌椅上書字云

花夷入覲進貢使者華曾用此桌椅予思此事可証去年

花旗官乘牛車入京時殊失體面

又去年九月間所議和約較昔年更加條款內有一款准

外國人可入內地居住但須得中外官文憑若不守規矩者亦不得擅入此款乃醫士瑪高温所上之議其意蓋防不法外人入內滋事故如是云云又俄羅斯亦于九月間續增和議所增者較英人更多因俄近中華故較他國尤先一步前年俄曾以砲八百門易黑龍江北大地近又取黑龍江南濱海之地長約二千七百餘里廣約五六百里

日本

日本與中華對峙合衆島為一國琉球亦其所屬琉球人口音與日本人同日本人口音間或與華人同想其鼻祖當自中華來其人雖較華人為智然文字皆賴于中華其

地本字以四十八字母撮合而成婦女齒好染黑若琉球背則染以黑蓋欲表其為女也俗規約同于華人儒釋道三教俱有但稍

異于中華至于孔氏遺書民間亦皆誦讀最惡洋教街衢

中有示禁人入教如有入之者報知于官即賞銀數百推

原其故因一百五十年前西洋國洋教盛行其國甚欲奪

其國君之權故今深絕之

日本國人分為二等一上一下上者君臣與兵丁等下者

農商與傭工等二等人不相連合又有一等僧人數亦不

少是僧不若華僧之愚概係士人為之民間皆敬而無忽

王居頁駝京城京城名頁駝在國之東北治理國事又有一王居于米

口口下斤辰

阿哥城名在國之中即僧人頭目管理教務者也國中多巡部腰佩以刀日夜巡查察民間之爲匪者是國氣候溫和少有病者山川秀淑最爲可觀土壤膏腴出產頗盛一切食用無須他國運來金銀銅鐵亦皆有之因此君臣等不欲民人與外國通商誠恐在下者日漸機巧其勢強盛難以約束使在上者有將落之機然近來西人雄強不論何國俱得入而貿易故日本人亦不能阻之數年前與西人立約約成之後常欲漸減約中條款予思如是行之究必逼啓爭端然日本之所以如此者彼蓋自恃其衆不知西人之權勢常云我國有人六千萬兵三百萬世上各國兵丁

無有過于我者今其國中有最不善之事貿易之間將西人洋銀低減一分之價即此一事已足啓爭端矣而西洋領事不出一言蓋領事與日本官長相爲連合洋銀用自領事則不減用自商人則減之然此事必不能行至日久若西國君主聞知恐未必不擬領事之罪也又有一事初時西人入國得售馬匹後阻之過數天又禁西人傭工不得騎馬并飼馬之物亦不許售又有一事約一月前有一英人往內地打鳥日本人縛而執之後有英人踵至釋其縛而歸又一日有一英人往內地打鳥日本人執之打鳥者誤放其鎗傷日本官一臂日本官擬其死罪而私欲斃

之英官聞知即遣書逼令使還後數日英官審判是事未
曾結案日後英國君主必為是事以啟兵端予思以小
而激成大變殊為可惜總之日本官最詭譎一年內私斃
外國人五名二係俄羅斯人二係荷蘭人一係英人之奴
約皆日本巡部所斃然不能指名其巡部之名當時外國
官曾欲日本官查察據云不得下落然日本官未有不得
殺入之下落者此言亦不過掩飾外人之語耳後俄官令
日本官安葬俄屍墓外立以石碑碑上飾以紅銅并罰日
本官之錢以償死者之命和蘭人之屍亦得安葬墓外亦
立以石碑但較俄碑為粗時和蘭人亦欲罰錢償命日本

官笑而不許因和蘭勢小故也至于英人之奴其事則寢
因是奴乃係中華人近有耗云花旗通事在京城為日本
人所斃英與佛二國欽差駐劄京城者皆退入兵船中予
思陰行克惡人必皆惡後與日本為仇者當不止一國
又日本有二弊一在于官一在于民在民者有混堂男女
共浴一事西人之意以為浴以去垢誠為善事若男女混
雜則殊失體統又民間傭工夏時赤身露體惟腰纏以布
遮其下體見之者亦殊為不便在官者有禁淫一律若民
間淫有夫之婦將姦夫姦婦共行斬首若淫處女者不治
其罪惟將處女入官官使之賣娼以收其利故日本每城

內概有巨屋一所處女犯淫者共置其中使得賣娼收利亦許本地人可買為妻價之輕重視年之大小為準若不_三得賣終身不得出故日本人之妻多有自此中來者予至其國時曾見有一巨屋內貯犯淫之處女千名今外國劣商水手等至其國每日費銀無算又有一律凡外國人不得娶日本之女為妻唯可于妓館中行淫此律最為腥聞世上各國俱所無之惟日本有焉予則速望其改斯為萬幸然日本雖有此污律而此外善律亦正不少數年後必能去其污者存其善者為外國人所敬服

又日本人最惡華人_一不欲華人至其國恐有碍于生意故也日本人自以為大如華人然彼亦以天子稱其君然在華人之意以為日本屬我在日本之意以為中華屬我予思二者俱不相屬俱各自以為大而已

兩月前日本官往花旗者已回聞是等人最愛花旗之好然亦有惡之者以為本地官不宜出往外國又日本民人最喜往外貿易惜為國例所阻近有耗云英佛二國將興兵與日本構戰日本有違和約數條予聞之深望日本_下速修舊好以息于戈

土耳其

前號所載有猶太一地為土國所轄內有回教人作亂佛

蘭西起兵征之近聞佛兵未到時土耳其已將兵削卒其亂并將就地官多員正法以回教人作亂官置之不問故也然土君之所以如此者誠恐佛兵一到欲歸罪于土君國將為佛人之所奪

歐羅巴

歐羅巴洲今因以大利國之事大有變故以大利昔本一國後則辰分故澳地利國人多有散居以大利中澳人概崇洋教洋教王暴民最甚前年佛蘭西人與撒耳地尼亞人是國亦在大利中驅逐澳人之在大利者三處去年有以大利人名格里瑟爾地者又率眾驅逐澳人并逐納伯勒斯

之君將其土地歸與撒耳地尼亞國管轄至冬時退回田里待今歲春復將出而舉事欲盡驅澳人使以大利全土盡歸撒君治之如昔日之以大利自成一國又欲驅逐洋教使之不得暴民近有耗云教王已被逐出又一說云尚未被逐但毛骨已悚然矣總之教王逞暴已久今而後民得反之意欲改從西教

花旗

花旗舊主之任已滿今又冊立新主姓林經名亞伯拉罕是人籍貫本在花旗南方南方人好買黑奴北方人不悅今是人亦不喜買黑奴與北方人同意因此南人大惡之

